



08635

譚文勤公奏稿卷三目錄

頒賞

欽定勦平粵匪方略勦平捻匪方略謝

恩摺

恩摺

各營俸餉擬改放實銀摺

前敵需餉請撥提鉅欸摺

請

飭各省挪借商欸先行起解片

請

飭催各省協餉勒限先解片

頒賜

穆宗毅皇帝御製詩文全集謝

恩摺

奏參辦理積穀不實之知縣摺

籌解塔城專餉并陳陝庫艱窘情形片

已故疆臣劉蓉請建專祠摺

譚文勤公奏稿卷三目錄

潼關商稅請仍照前儘收儘解摺

餉源枯竭請

飭部速籌鉅欸摺

奏陳西事機宜片

邵陽韓城匪徒滋事派營會拏片

統兵道員被刺獲犯審辦情形摺

蜀革統領黃鼎請照陣亡議卹片



譚文勤公奏稿卷三

頒賞 欽定剿平粵匪方略剿平捻匪方略謝 恩摺

奏爲恭謝

天恩仰祈

聖鑒事光緒二年八月十六日欽奉

恩賞

欽定剿平粵匪方略

欽定剿平捻匪方略各一部由陝甘提塘恭齎到陝臣謹卽恭設香案望

闕叩頭謝

譚文勤公奏稿

卷三

恩祇領訖伏念我國家

列聖相承重熙累洽統萬邦以建極會歸則道路同遵總七德而定功

聲教則華夷共懾蠢茲粵捻自外生成忘卵翼之

鴻慈還爪牙之犀利初謂潢池盜弄俛張五嶺之間何期滄海橫流泛濫兩湖以下奪長江之險狎鯨波而遍掠舩艍踞建業之城營兔窟而益堅壁壘毒霧迷漫於南服逆氛寢及乎朔方煽魑魅魍魎之羣幾同稀突蹂晉豫齊秦之境更事鴟張爲

覆幬所不容實人神之共憤我

文宗顯皇帝赫然震怒奮厥乾剛揚萬里之

天威誠申師律綜十全之

祖訓策授臨軒萃虎豹以名韜厲熊羆而選士大江東去
樓船下而先靖鯢鯢方叔南征鉦鼓鳴而直窮獫狁凡此
戎機之克協悉衷

聖算之無遺我

穆宗毅皇帝

繼體守文

冲齡踐阼仰承

懿訓載纘

武功方整飭乎六師遂肅清乎羣醜縱崑岡之烈燄釜絕
魚遊困垓下以長圍社無鼠伏九嬰雖虐終殪唐弓三檠

譚文勤公奏稿

卷三

二

方苞旋膏商鉞

勳業爲古今所罕觀

恩威侔

天地之無私允宜輯典謨訓誥之編彰茲

聖烈庶共知

文武聖神之略斷自

宸衷方今我

皇上大業初膺

前光允迪闡

敷天之偉績廣

繼序之

孝思纂就

鸞函儼球圖之燦列頌從

鳳闕俾寮案以同瞻臣韜略未嫻疆圻忝寄緬

中興之事業莫罄揄揚捧

寶籙之輝煌曷勝忭舞所有微臣感激下忱謹繕摺恭謝

天恩伏乞

皇太后

皇上聖鑒謹

奏

各營俸餉擬改放實銀摺

奏爲旗綠各營官兵俸餉擬照現章改放實銀停搭官票

譚文勤公奏稿卷三

三

以杜流弊恭摺仰祈

聖鑒事竊查陝省前因庫欸短絀前撫臣瑛檠於同治元

年奏請仍設官錢鋪搭放西安滿營暨臣標並城守等營

兵餉按照減折八五章程除裁減外以二成給放實銀其

餘八成折錢支發官票嗣又改爲三七搭放騰挪現銀以

紓司庫計自開設以來截至光緒元年已十四年之久舊

票支放甚多加以按月搭發新票新陳相積累萬盈千近

年疊獲私造假票之案雖經隨時重懲無如奸民惟利是

圖罔顧法紀此風總未盡息是欲淨絕根株非停發新票

不能截其流尤非徐籌票本收還舊票仍無以塞其源現

雖庫藏奇絀存銀不敷周轉而流弊無窮不能不及時補

救臣與藩司蔣凝學悉心商酌於無可籌畫之中儘力騰挪自光緒二年正月起將旗營官兵現發五成餉乾米折操練馬隊八五餉乾米折道倉本色不敷全折世職七成俸銀暨臣標二五成餉乾內所有搭支全支錢票之處一律停止概以實銀支放每月仍酌支官鋪票本銀六七千兩以備易錢收銷官票之需定議之初猶恐官票行用已久一旦停刷新票儻民間悉持舊票紛紛取錢司庫無此巨款支給深虞掣肘茲自試辦半年之久每月酌籌現銀易錢以供官鋪支發可資周轉故民間亦不以空虛爲疑幸得相安無事現飭官鋪委員將同治元年四月復開起至光緒元年年年底止收放過官票數目開具清摺逐一勾譚文勤公奏稿

卷三

四

稽除連年已收回舊票外尙有未收回舊票一百五十四萬七千五百六十四串其票本已於十三年奏銷案內聲明扣存旗綠營兵餉票本銀三十六萬六千五百九十四兩零又文武廉費搭錢四成票本銀五萬六千五百三十七兩零又現辦光緒元年奏銷內有已經扣存旗綠營兵餉搭錢折扣及文武廉費搭錢四成票本除已支發外尙應存票本銀六千七百五十兩零統計扣存票本銀四十二萬九千八百七十九兩七釐雖銀價高低無定以現在每兩易錢三千五六百計之每月酌籌票本銀六七千兩大約五六年間可將官票一律收銷彼時察看情形再將官鋪停開似此變通辦理不惟兵餉支放實銀可期除復

舊制得以少濟兵艱而停搭官票奸民無從施其伎倆亦足以重園法而杜弊端據藩司詳請具奏前來除飭司妥辦外相應請

旨敕部立案臣爲濟兵餉而清市塵起見所有兵餉改放實銀停搭官票緣由理合恭摺具奏伏乞

皇太后

皇上聖鑒訓示謹

奏

前敵需餉請撥提鉅款摺

奏爲前敵需餉甚急後路防營年終一月滿餉亟須籌發

請

譚文勤公奏稿

卷三

五

旨敕部分別撥提鉅款以恤兵艱謹將各省關本年已解未解數目另繕清單恭摺由驛馳陳仰祈

聖鑒事竊臣准督臣左宗棠函開烏城新復官軍進規南路局勢愈寬需餉益繁大營存餉僅支兩月至十月底又

將懸釜待炊萬方焦急臣查明各省欠數迅即奏懇天恩飭部催提鉅款以濟燃眉臣維前敵艱窘情形督臣

已於八月初一日詳悉具奏在案惟解數少有參差則以

七月間報解者尚未到營也統計各省關截至八月底止欠解本年新餉共四百四十四萬餘按八成計之尙可得

三百萬數月以來報解者寥寥後路防軍年終例給一月

滿餉歷經部臣每年指撥欠餉六十萬向亦解不足數惟

元年止收四十八萬尙欠十二萬屢催未解此外出關的餉等專款欠解尙多臣按月咨部分催函牘交馳迄未有以應也竊維本年西餉荷蒙

皇上特沛德音撥部款二百萬行間將士感激圖報奮不顧身此次旬日之間屢克數城古牧地之戰雖傷亡頗多而銳不少挫戰且愈力者實賴

聖恩優渥足以鼓士卒之氣也現在白逆南竄安酋負固勢不可以中止轉瞬嚴寒當風饕雪虐之晨有斷指裂膚之患軍士履冰荷戈情殊可憫若餉糈弗繼何以收飽騰之效而蕙垂成之功合無仰懇

天恩飭下各省關按照部議八成以上迅籌鉅款提前趕譚文勤公奏稿

卷三

六

解限九十月之交至陝由糧臺轉解前敵以應急需并請飭部分別指撥年終滿餉六十萬如數起解統於十月底到齊庶足以勵戎行而固軍志所有各省關本年新餉截至八月底止已解未解實數謹繕清單恭呈

御覽伏乞

皇太后

皇上聖鑒訓示施行謹

奏

請飭各省挪借商款先行起解片

再師行日遠道里愈賒由陝解餉至前敵必須九十餘日卽各省協餉九月底到陝比至營已歲盡矣若各省零星

點綴遲速不可知則前敵必有停兵待餉之患想各省疆
臣各體時艱數年來籌解西餉不遺餘力當此事機順利
功在垂成無論如何爲難必當勉籌大批以資接濟縱各
省庫欸萬難騰挪或分向本地富商暫借一批先期起解
各省仍按每月應解之數分期還之商人應給數月之息
卽由西征餉內扣除在各省分期歸還無洋欸期限迫促
之慮而大營得此鉅欸庶幾於事有濟是否可行應請

旨飭下部臣酌議臣爲餉需緊急起見謹附片具陳伏乞
聖鑒訓示謹

奏

請 飭催各省協餉勒限先解片

譚文勤公奏稿

卷三

七

再金順一軍據稱四十餘營月需餉十餘萬兩今年各省
協餉實解到營者不滿四十萬曾不及月餉之半金順屢
次函述艱窘情形囑臣亟爲設法而西征糧臺本不存餉
無可騰挪惟陝西月協一萬五千兩無論如何爲難必於
兩月前預籌趕解臣力所能爲者止此至各省欠餉頻催
罔應金順屢次奏奉

諭旨敕催在部臣亦且筆秃楮罄矣頃金順委員金錫楨

自營來臣細詢軍情據云四五月之間糧餉俱盡若非督

臣左宗棠接濟糧數百萬斤幾不可支軍士襁褓情狀言
之可憫瞬屆隆冬饑寒交迫卽馴習士卒難保不因缺望
而生事成敗利鈍祇在呼吸之間大局攸關良非細故相

應請

旨飭下部臣於各省關欠解金順軍營協餉四百數十萬
內每省酌提一大批勒限起解年內趕解到營庶士心固
而成功速於邊事大有裨益臣與聞糧臺事目擊情形不
敢不據實陳明是否有當伏乞

聖鑒訓示謹

奏

頒賜

穆宗毅皇帝御製詩文全集謝

恩摺

奏爲恭謝

天恩事竊臣接陝西駐京提塘恭遞蒙

恩頒賜

譚文勤公奏稿

卷三

八

穆宗毅皇帝御製詩文全集各一函臣謹設香案望

闕叩頭祇領訖欽惟

穆宗毅皇帝學本日新

聽由天宣圖史

闡精微之蘊抉經心而執聖權

彰輝秉中正之樞示

帝範而立臣極猶復

萃雲霞以成綺和平

揚雅頌之音

灑珠玉而揮毫正變

究風騷之本

綜前聖後聖而

聖學集其大成

觀天文人文而

文命敷於四海豈僅

識周萬軸總石渠天祿之藏

治炳中興埒同馬攻車之賦也哉

皇上抱蜀懷冲徇齊表異奉

兩宮之懿訓深

繼序之繹思十三年

峻德豐功旣輝煌於

實錄十六卷

譚文勤公奏稿

卷三

高文典冊先蒼萃於

遺編

手澤長畱

永慕宜同

弓劍

心傳如接

紹承並重球圖緬

皇史之尊藏允符

列聖幸

瑤函之遠賁下逮羣工臣技等蟲雕見侔蠡測念昔讀書
東觀曾隨侍從之班方茲持節西陲忝荷疆圻之任仰瞻

大觀在上莫贊一辭願偕六籍同珍永垂萬禩所有微臣
感激榮幸下忱謹繕摺恭謝

天恩伏乞

皇太后

皇上聖鑒謹

奏

奏參辦理積穀不實之知縣摺

奏爲知縣辦理積穀不實前後稟報含糊請

旨分別革職摘頂以懲玩愒恭摺仰祈

聖鑒事竊查陝省軍興以後公私蕩然民鮮蓋藏倉無儲

蓄臣於去年夏間通飭各屬勸捐義倉紳民有能捐穀千

譚文勤公奏稿

卷三

十

石以上者奏請獎敘數百石者由臣賞給匾額此外數十

石或數石各聽量力捐輸分存各鄉擇正紳經理官祇稽

查不假手胥吏民間亦知事關切已踴躍赴義據報一縣

或萬餘石數千石不等至各州縣倉穀經軍需動用無存

司庫支絀無從籌款彌補惟有各縣里局近年兵差少減

供億較省去秋委員分赴各屬清查里局用款裁減浮費

以節省之盈餘爲買糧之經費行之數年可復承平時倉

儲之舊旋據署臨潼縣知縣曹俊亮稟報由里局提錢五

千二百串買倉斗麥一千七百二十五石在案本年二月

曹俊亮卸事調補斯缺之衛錫恩到任於前買倉麥是否

實儲並無隻字稟報秋間藩司委員前往盤驗始據衛錫

恩稟稱曹俊亮祇買麥一千零七十餘石現正催收入倉
餘錢因民欠未清俟收齊再行買補等情查曹俊亮原稟
提錢五千二百串買麥一千七百二十五石數目何等確
鑿一經委查短至六百餘石之多卽已買者亦未實運入
倉其含糊粉飾殊出情理之外更難保無侵挪虧欠情事
衛錫恩到任半年於曹俊亮辦理積穀不實不盡應卽稟
揭卽使實欠在民亦不妨據實稟明乃扶同隱飾視倉儲
爲不急之務則地方公事漫不經心可知茲據藩臬兩司
會詳請參前來臣查陝省吏治積習相率疲玩雖舌敝唇
焦終覺形同聾聵若不分別懲辦無以儆欺飾而杜效尤
相應請

譚文勤公奏稿

卷三

十一

旨將前署臨潼縣知縣候補同知曹俊亮暫行革職調補
臨潼縣知縣衛錫恩先行摘去頂戴仍飭司查明如有侵
挪瞻徇情弊再行從嚴參辦以爲玩視倉儲者戒所有特
參知縣辦理積穀含糊緣由謹繕摺具陳伏乞

皇太后

皇上聖鑒訓示謹

奏

籌解塔城專餉并陳陝庫艱窘情形片

再臣接准軍機大臣字寄光緒二年九月十五日奉

上諭英廉奏請飭部墊撥銀兩並請催欠餉一摺塔城防
兵待餉孔殷著譚鍾麟迅將欠解塔城專餉如數撥解以

應急需等因欽此遵

旨寄信前來臣查陝省奉撥塔城專餉三萬兩前准部催已於七月間據藩司詳稱籌銀一萬兩由山西藩庫撥司搭解綏遠城轉解在案茲奉

諭旨催解自當欽遵籌辦現查歸包糧局業已停採尚有存銀當飭藩司會商糧臺於九月二十八日飛札歸化糧局委員撥銀一萬兩作爲陝省二次籌解塔城專餉就近解交綏遠交將軍衙門轉解以資便捷卽由藩庫歸還糧臺以清款目惟陝庫入不敷出數年來挪東補西艱窘萬狀去年湖北停解仁勝營月餉今年江蘇月餉解撥西征以瘠敝之區每年驟短二十四萬益不可支軍需局供支

譚文勤公奏稿

卷三

十一

防營月餉時復短絀輒向紳商息借而督臣大營當萬分爲難之際函牘告急司庫無可騰挪亦向富商代借或十萬二十萬隨時通融接濟因時借時還故未嘗形諸奏牘前後尙有二十萬未經歸款皆軍需局所代籌也臣與藩司兼顧糧臺事曰擊西餉支絀何能膜視卽金順徐占彪等軍均在前敵陝省協餉必先兩月豫籌趕解凡力所能爲者無不竭力籌濟以維全局而移緩就急必不能無顧此失彼之虞亦事勢所無如何也所有先後籌解塔城專餉二萬兩并陝庫艱窘情形謹附片具陳伏乞

聖鑒謹

奏

已故疆臣劉蓉請建專祠摺

奏爲已故疆臣夙著勤勞士民感戴據情籲懇
天恩准建專祠以順輿情而彰忠蓋恭摺仰祈

聖鑒事竊據陝西在籍紳士三品銜前掌四川道監察御史師長灼翰林院編修李寅李聯芳內閣中書王瀚等聯名稟稱已故前任陝西撫臣劉蓉於同治二年由川督師入陝收復漢南府縣各城勦滅藍大順等巨憨削平逆回肅清關輔越境攻克階州殄除蔡啟兩逆全陝以安在任三年持躬清正率屬廉勤招輯流亡舉辦賑墾修祀典興學校舉賢能課農桑力除積弊百廢俱興功德在人至今感慕現擬集貲建立專祠春秋享祀以伸愛戴之忱公懇譚文勤公奏稿

卷三

三

據情轉奏前來臣等查已故撫臣劉蓉以諸生從戎轉戰楚蜀卓著勳勞其撫陝也當全省糜爛之餘著廓清奠定之績厥功尤偉嗣因病陳請開缺畱辦軍務灞橋失利奉旨革職同治十二年十月在籍病故經湖南撫臣王文韶奏請開復處分前四川督臣吳棠臚陳功績懇

恩宣付史館入祀川省名宦附祀駱秉章專祠前撫臣邵亨豫奏請入祀名宦祠均奉

恩旨允准在案是劉蓉之品行學問出處大節及一切事實政績久荷

聖明洞鑒無俟臣等瑣述茲該紳等聯名公懇集貲建祠等察訪輿情出於至誠合無仰懇

天恩俯准陝省建立已故撫臣劉蓉專祠以表勳勤而隆食報之處出自

鴻慈謹合詞恭摺具陳伏乞

皇太后

皇上聖鑒訓示再此摺係臣鍾麟主稿合併陳明謹

奏

潼關商稅請仍照前儘收儘解摺

奏爲潼關商稅驟難復額仍請照前儘收儘解恭摺仰祈聖鑒事竊查潼關商稅銀兩經前撫臣邵亨豫將萬難復額情形於同治十三年八月覆奏仍請儘收儘解旋准部覆再予限三年一俟限滿卽行照額徵解具奏奉

譚文勤公奏稿

卷三

十四

旨依議欽此欽遵在案茲據藩司蔣凝學接准潼關商道謝質卿移稱查潼關商稅自同治元年陝回倡亂甘回繼擾蔓延口外各城十餘年間數千里殆無完土迄今雖就敕平而前此被災旣深人民未盡復業東南綢緞各貨入境甚少川甘藥材水煙下運者寥寥近年所徵者惟河南靈閩一帶過關花布等項溯自同治十三年三月起至光緒三年二月底止每歲僅收銀二千六七百兩及三千四百餘兩不等其元年以前所徵銀兩報解清楚奏銷達部二年稅銀亦經報解趕入奏銷覈計三年中較同治十三年二月以前收數稍增然較之原額猶甚懸殊數年以來招徠之法靡所不施欺隱之端無時不察而來源不旺短

缺猶多本年三月又值展限屆滿亟應照額徵解何敢藉詞再展無如刻下塞外未靖陝甘元氣未復且各省設卡抽釐商販成本較重每多裹足陝省毗連五省道路紛歧一到關城釐稅並徵商賈錙銖悉較避重就輕不無繞越之弊察看情形三四年中未必卽能復額請自本年三月限滿後暫勿拘以年限仍請照前儘收儘解一俟關外軍務大定民氣復元商貨行銷暢旺立時請奏復額以重課稅等情由藩司覈明具詳前來臣查潼關商稅自乾隆十年奉部覆歸道徵收如定額徵銀一萬七千九百七十四兩倘徵不足額准其確切查實加結題報是當定額之初已計及短絀之日自軍興以來兩次停徵七年再行試辦

譚文勤公奏稿

卷三

五

疊經前任撫臣蔣志章邵亨豫奏請展緩均奉

旨允准在案近雖收數稍增而較原額尚不及十分之二欲於三四年內遽復舊額其勢有所不能現據該司道等援案仍請儘收儘解合無仰懇

天恩俯准將潼關商稅暫准展緩俟關外事定陝甘元氣盡復釐稅歸併後商貨流通再行照額徵解臣仍督飭嚴杜奸商偷漏胥役隱欺並令隨時整頓設法招徠以裕國課而復舊章所有查議潼關商稅仍請儘收儘解緣由理合恭摺具陳伏乞

皇太后

皇上聖鑒訓示謹

奏

餉源枯竭請

飭部速籌鉅款摺

奏爲餉源枯竭萬難支持軍事正順未便停兵久待籲懇天恩飭部速籌鉅款以濟急需恭摺馳陳仰祈

聖鑒事竊維西征軍餉正月間奉到部咨奏准各省關提

前協解三百萬兩限三箇月解清業經臣分別咨催嗣督

臣左宗棠奏請撥四百萬兩三月二十一日欽奉

諭旨飭各省關提前趕解等因欽此復經欽遵轉咨在案

現查三箇月限期已滿據各省關報解本年新餉六十萬

四千兩截至四月止解到陝者僅十五萬四千兩曾不足

前敵半月之費督臣催餉之檄急於星火臣劉典在蘭州

譚文勤公奏稿

卷三

六

搜括殆盡焦灼萬分告急之書數日一至臣目擊艱窘無

可如何商之藩司將陝庫所收地丁銀三十萬悉數挪移

於四月初起解俟後路解到歸還應用而杯水車薪仍屬

無補洋款久無消息卽使可借計解銀到陝省當在秋間

比至前敵已冬初矣各省關無大批起解按月零星點綴

後路尙須截還去冬借款將來到營者亦復無多目前已

不可支更何能爲經久之計據劉錦棠三月稟報旬日之

內克復吐魯番達板城托克遜數城軍勢甚盛正宜乘此

聲威節節掃盪以恢復南八城無如餉事支絀糧未採足

距喀拉沙爾七站中無水草未敢以飢軍輕進確係實情

當此軍事喫緊之際停兵待餉卽無譁潰之虞亦覺事機

可惜合無仰懇

天恩飭部籌撥現銀百數十萬以應急需更請

飭下各省疆臣共濟艱難迅籌大批趕解源源接濟庶不

至誤戎機而礙大局臣明知部庫支絀何從籌此鉅款實

迫於萬不得已故爲此冒昧之請所有各省關協餉已到

未到數目謹繕清單恭摺由驛馳陳伏乞

皇太后

皇上聖鑒訓示謹

奏

陳西事機宜片

再西事自克復烏吐兩城關內之藩籬稍固議者咸以爲

譚文勤公奏稿

卷三

十七

可舉辦屯墾畫疆而守矣揣安集延回窮無所歸偷息於

此或無遠志而悍逆白彥虎未殲難保不伺隙內竄防兵

多則無以爲食兵少則力不能禦萬一挫失盡棄前功重

煩西顧之憂且爲外夷所笑此不可不長慮卻顧者也據

劉錦棠稟攻克達板城擒獲安回頭目自願致書安酋縛

獻白逆以贖罪果有此舉誠屬幸事第安酋非勢窮力竭

未必遽出於此或陽許納款陰蓄詭謀乍離乍合以老我

師總計關內外各軍相持一月坐耗六七十萬金是住與

行勞費正等固不如乘勝以殄之督臣身任西事耿耿孤

忠必欲規復全疆以報

朝廷其精神才力誠足以了此特餉不應手亦恐智勇俱

困計官軍自喀拉沙爾節掃盪而入西至喀什噶爾南
至和闐均二三千之遠縱事機順利亦非數月所能成
功以兩年爲期需餉至千數百萬部庫支絀何從籌濟各
省協欵又未可深恃懸軍深入餉精弗繼進退失據此危
道也方今進止之機貴決於當境攻取之術須計及萬全
應請

飭下部臣督臣統籌全局詳審機宜兵事餉事中外合謀
務期餉無遲誤功可速成爲一勞永逸之計疆事幸甚天
下幸甚臣愚昧之見是否有當謹附片具陳伏乞
聖鑒訓示謹

奏

譚文勤公奏稿

卷三

六

邵陽韓城匪徒滋事派營會拏片

再據署邵陽縣知縣易潤芝稟稱邵韓交界之神峪溝福
爺巖有匪徒聚眾滋事探係韓城已散戲班優伶無所得
食糾集匪徒二百餘倡爲以富濟貧之說舉旗相招饑民
附和百十成羣詐索大戶現集團查拏等情并接署韓城
縣知縣王朝鈇稟外來匪徒勾引饑民掠食民團禦之遂
相格鬪焚燒房屋已會營前往捕治復據潼商道謝質卿
稟韓城匪徒裹脅饑民搶掠請派兵彈壓前來臣維亢旱
已久河北饑民甚多若不早爲解散恐愈集愈多釀成變
故當派仁勝左旗總兵任正時率勇由洛川赴韓城仁勝
後旗參將舒秀松由洛取道澄城以赴韓派臣標署中軍

參將胡得成帶隊往邵陽均嚴飭會同地方官分別查辦如係外來匪徒卽行剿滅若本地饑民則妥爲安輯撫綏并飛飭潼商道就近派委候補知府萬家霖前往攜示解散察看情形妥籌辦理旋據王朝鈐稟稱會督兵團至馬家溝等處該匪膽敢持械拒捕當卽格斃數名捕獲十數名據供此次滋事係何東升吉鎖子爲首何東升河南人業被民團格斃吉鎖子向山內逃走據總兵任正時稟率隊至神峪溝見有饑民數十親往開導該匪抗拒被兵勇格斃一名擒獲四名時已昏黑餘匪逃散無蹤其竄入邵陽之新堡村者經易潤芝督率民團練勇格斃四名捕獲三十餘名餘匪竄逆據擒賊供爲首係吉鎖子高冒料二

譚文勤公奏稿

卷三

十九

人奪獲旗幟數件皆戲班及神廟中物也參將舒秀松至澄城交界之巨川堡遇饑民百餘當卽解散拏獲持械者十餘名聞福爺巖聚有土匪令親兵先往探視該匪竟械鬪舒秀松馳至捕獲十五名餘皆逃匿時參將胡得成與易潤芝督勇往搜福爺巖與舒秀松遇於高家坡遂將捕獲之匪交易潤芝帶回審訊現正會商分投搜捕等語

臣

維此烏合之眾一擊卽散此拏彼竄固在意中現在各營均已抵境不難悉數殲擒惟慮貧民乏食嘯聚甚易非妥爲賑撫難保不已散復聚

臣

前已飭各屬勸諭富紳集資

買糧平糶現復委員各攜銀數千兩分赴河北數縣與官紳確察極貧之戶先行分賑冀日內得雨二麥可以播種

則民心大定不至爲匪徒所搖除一面札飭派出各營會
擊首犯搜捕餘匪務令悉獲外所有韓郃匪徒滋事業經
擊散并現辦情形謹附片陳明伏乞

聖鑒訓示謹

奏

統兵道員被刺獲犯審辦情形摺

奏爲統兵道員被營弁刺斃先將獲犯辦理情形恭摺奏

聞仰祈

聖鑒事竊臣接據幫辦蜀軍營務雷陝補用直隸州知州

青勝藍稟報光緒三年六月十七日黎明時該軍統領前

陝安道黃鼎因患瘡疾臥牀未起突有一人潛入臥室用

譚文勤公奏稿

卷三

三

刀札傷該道黃鼎顛頰由左穿右血流不止急喊拏賊該

牧聞聲趨視傳醫調治詢據打掃夫役王四娃子稱伊在

院掃地見有藍旗隊目湯秉勳倉皇走出卽派役跟追距

營二里許將該犯湯秉勳拏獲並起獲兇刀據湯秉勳供

四川松潘廳人世襲雲騎尉由原籍來陝投營因統領先

不收錄再三懇求始派在營充當藍旗隊目嗣伊與營總

口角經黃鼎革退該犯自備空銜咨文求咨四川提督歸

標黃鼎未允伊心懷忿恨起意行刺暗藏小刀黎明奔入

臥室乘其熟睡用刀狠力札傷其顛頰而逸距營不遠卽

被拏獲並無別情亦無同謀之人等供詎醫治無效該道

卽於是晚因傷身故並據懷遠縣知縣李嘉謨稟報驗訊

情形前來臣接閱之下不勝駭異查該犯湯秉勳以世職在營充當藍旗隊目乃因未給回川咨文之嫌輒懷忿恨起意謀殺本營統領實屬兇惡亟應嚴審確情立置重典以伸

國法除行司委員前往訊取確供押解該犯來省聽候審辦外謹會同陝甘督臣左宗棠幫辦陝甘軍務太僕寺卿臣劉典恭摺具奏伏乞

皇太后

皇上聖鑒訓示再該軍所部五營駐防懷遠縣屬石灣等處現已安靖臣已檄飭該牧青勝藍并畱陝補用知府張惟訓照料各營悉令開拔出山聽候調遣合併陳明謹

譚文勤公奏稿

卷三

三

奏

蜀軍統領黃鼎請照陣亡例議卹片

再已故二品頂戴存記錄用按察使統領蜀軍前陝安道呼敦巴圖魯黃鼎四川崇慶州人由增生在籍辦理團練勦除滇逆克復各城洵保知縣於同治二年經前四川督臣駱秉章委帶蜀軍彝字營隨前撫臣劉蓉援陝克復漢南各郡縣馳援甘肅攻克階州城池殄滅首逆復勦鳳隴同朝一帶回捻各逆肅清陝境經前撫臣劉蓉臣劉典歷保至道員

賞換呼敦巴圖魯名號

簡授陝安道蕩平董志原回逆老巢經臣左宗棠保奏以

按察使記名簡放欽奉

上諭交軍機處存記錄用續因剿賊功多蒙

恩賞給荷包等件並

賞穿黃馬褂十三年調防北山旋丁父憂經前撫臣邵亨

豫奏畱原防嗣因回籍葬親經臣鍾麟奏准給假辦理喪

葬事畢於光緒二年仍回北山防營臣左宗棠方因關外

軍事需人札調該道速帶兩營赴肅調遣以瘡病未及成

行遽有此變實出意外查該道黃鼎謀略素裕紀律嚴明

轉戰關隴十有五年蒙

恩簡放陝安道缺日在行間未嘗抵任其在防所招集流

亡開墾荒地修渠築堡建學課士凡有裨地方事宜均能

譚文勤公奏稿

卷三

三

不辭勞苦盡力經營兵民權治正資臂助忽罹奇禍憫惻

同深查軍營立功後積勞病故之員例准照所保官階請

卹念該道戰功卓著忠勇絕倫此次變出非常慘遭刺斃

可否仰懇

天恩俯准敕部將已故二品頂戴存記錄用按察使前陝

安道呼敦巴圖魯黃鼎照按察使陣亡例議卹以彰勞蓋

而慰幽魂之處出自

逾格鴻慈謹會同陝甘督臣左宗棠幫辦陝甘軍務太僕

寺卿臣劉典附片具陳伏乞

聖鑒訓示謹

奏

譚文勤公奏稿卷三

三

譚文勤公奏稿卷三

男延闓恭校

譚文勤公奏稿卷四目錄

陝省亢旱採買米糧請免釐金摺

勦捕韓城匪徒并現辦賑務摺

奏陳陝西被災太廣請催各省欠餉摺

蒲城刀匪戕官劫獄勦捕情形摺

陝省被災州縣下忙銀兩展緩摺

籌辦陝省荒政摺

設立籌賑局片

會商採買湖米片

會商賑務情形片

覆陳辦理賑務摺

譚文勤公奏稿

卷四目錄

查明藩司被參各節毫無實據片

彝營哨弁齊勇潰逃立擒正法摺

懇畱閩敬銘稽查賑務片

譚文勤公奏稿卷四

陝省亢旱採買米糧請免釐金摺

奏爲亢旱大甚秋收無望豫籌採運米糧以資賑濟請
旨飭下採買經過省分免抽米釐恭摺仰祈

聖鑒事竊查陝省今歲二麥歉收約計境內西南北三面
尚有五六分者東路渭河以北大荔朝邑郃陽韓城白水
澄城所收三四五分不等獨蒲城收不及分業經臣奏請
緩徵并撥糧接濟在案自五月以來亢旱異常秋禾多未
播種各郡皆然臣屢次率屬虔禱六月十四二十三省城
得雨兩次各屬亦先後報得雨澤迄未普霑亦不深透近
又彌月不雨烈日如焚補種蕎麥出土後仍復黃萎糧價
譚文勤公奏稿卷四

日昂斗米需銀五錢河北一帶以草根樹葉療饑者殊
堪悲憫臣飭各屬清查保甲藉審戶口之貧富稽蓋藏之
多寡爲分別借賑之計大約民間能自給者百不過二三
能分餘以濟鄰里者千不得一焉陝省近歲屢豐不應如
此匱乏祇緣晉豫阻饑去冬販運者多小民不知遠計貪
得重價罄所有而售之以故偶罹早歉十室九空秦中亂
後倉儲如洗臣於兩年前飭各屬勸辦義倉痛裁里局浮
費買糧填倉并委員採買以裕軍糈統計所儲不滿百萬
石春間貧民乏食借領者十之二三尙未還倉現在各屬
紳民具稟告貸臣已批飭開倉散放惟河北數縣被災獨
重倉糧早罄待賑尤切現飭各屬勸諭富紳集資買糧平

糶以顧目前竊念此時卽得澍雨二麥可種而距麥收之期太遠本境之糧不足供數月之食自非豫籌採買來歲青黃不接時必至道饑相望近鄰晉豫歉象更甚於陝川路險遠舟車不通擬從湘鄂採運至老河口一由荆紫關運龍駒寨一由河口運夾河以達漫川關多雇貧民負運計里給直亦以工代賑之法雖水陸費繁較之陝省現時糧價尙覺有減無增第今年春徵尙未及半秋徵可想司庫無可騰挪惟有捐借并行官紳協濟臣先捐廉五千兩爲之倡現任各員量力扶助紳民捐數多者准其請獎暫借之欸由藩司給予印帖俟明年秋徵後發還目前捐數不能定卽賑費亦莫由懸揣設有不敷再行奏請於釐金譚文勤公奏稿卷四

二

項下分年籌補現飭司由票商借撥鉅欸委員分赴湖南北陸續購運來陝一面招陝商之貿易於楚者自集資本採運米糧以顧桑梓庶幾冬春之間可以源源接濟則民心自安而事變可弭相應請

旨飭下湖廣督臣湖南湖北河南各撫臣遇有陝省委員採運米糧過境免抽釐金以速轉運而資接濟所有陝省亢旱豫籌採買情形并請免抽米釐緣由除分咨外謹會同陝甘督臣左宗棠恭摺由驛馳陳伏乞

皇太后

皇上聖鑒訓示謹

奏

勦撫韓城匪徒并現辦賑務摺

奏爲查明韓城匪徒勦撫已盡地方安謐并現辦賑務情形恭摺覆陳仰祈

聖鑒事竊臣准軍機大臣字寄光緒三年八月初六日奉上諭御史劉錫金奏瀝陳陝西荒旱情形請飭查辦一摺等因欽此遵

旨寄信前來仰見

皇上軫念災區豫杜亂萌至意查韓城匪徒滋事當經擊散臣已於七月二十八日附片陳明訊據獲犯供稱此次滋事係吉鎖子高冒料爲首因戲班已散無從覓食起意糾約匪黨揆食大戶舉旗相招饑民附和者多七月初五譚文勤公奏稿

卷四

三

日高冒料王三兒等百餘人搶白馬灘初七至白村十二至南應村被民團格殺十餘人捉去一人因人數眾多遂分股擾及邵陽不料十五以後官兵俱到解散饑民圍捉匪類遂各逃散等語續據總兵任正時稟稱搜捕餘匪至七坡嶺拏獲高冒料一名又於九龍山捕獲王三兒及匪黨五名送縣訊辦偵知吉鎖子潛匿彭口村會同署韓城縣知縣王朝鈇率兵勇往擒以歸提訊高冒料吉鎖子等供認聚眾搶奪不諱其餘黨計幅子逃竄澄城任正時追及於尹村格斃十數名擒二十餘名餘匪滾溝紛竄窮追至邵陽之侯家池盡殲之現在邵陽澄城韓城境內已無賊蹤臣恐餘燼未息飭彝字營參將吳元璋畱陝直隸州

知州青勝藍率勇窮搜洛澄韓邵諸山中必盡絕根株而後已計此股匪徒滋事首尾不過兼旬爲首要犯捕斬已盡此時亟辦賑務饑民得食自可相安無事至陝省荒旱情形臣於七月二十四日奏請買糧免釐摺內詳細陳明

在案本年夏旱以同州縣屬河北七縣爲甚華州華陰麥

收尙有五六分近山一帶所種秋禾雖屬稍歉卻無蝗蟲

田鼠害稼之事臣於七月中飭司委員分攜銀兩赴河北

各縣會同地方官勸諭富紳捐借并行集資買糧減價平

糶極貧者暫給錢以賑粥廠不能及遠分廠多則流弊無

窮似不若計口授糧爲便各屬倉穀早經臣批飭散放清

查各縣戶口蒲城極貧者四萬六千餘口大荔朝邑郃陽

譚文勤公奏稿

卷四

四

各三萬數千口他邑稱是以數十萬之眾待賑至八九月之久斷非倉穀所能供亦非官款所能繼勢不得不借助於富紳現據大荔朝邑郃陽韓城稟報會商紳士辦理已有端倪惟白水澄城富室較少集貲不易暫將所發銀兩買糧以資接濟本年秋徵七月間委員查勘河北秋收無望臣已出示曉諭大荔朝邑蒲城郃陽白水韓城澄城七

縣下忙錢糧均於八月初十日暫行停徵其餘高陵富平

臨潼渭南三原涇陽等縣地在河北者飭各縣查明分別

災歎輕重報司彙詳到臣再行奏請展緩此時賑務以豫

籌賑款多購米糧爲亟湘鄂採運委員早已前往俟奉到

免釐

諭旨速行咨知各省俾沿途無阻得以輓轡轉運將來邠
長乾永則告糴於平慶北山糧缺現委員探詢包頭一帶
糧賤可採則由舟運至榆延較省惟司庫支絀往歲已然
今年秋徵驟短四五十萬例支已無以給何能更籌賑欸
夏間督臣所撥三十萬業經陸續歸還應用別欸無可挪
移籌思至再惟有仰懇

天恩嚴催各省欠餉俾資接濟除另摺詳陳外謹將勦捕
韓城匪徒已盡地方安靖並現辦賑務情形恭摺覆陳上
慰

宸廑伏乞

皇太后

譚文勤公奏稿

卷四

皇上聖鑒訓示謹

五

奏

奏陳陝西被災太廣請催各省欠餉摺

奏爲陝省被災太廣待賑孔亟爲日甚長需費過鉅本省
無欸可籌籲懇

天恩飭催各省欠餉以拯災恭摺仰祈

聖鑒事竊臣於八月十四日恭奉

寄諭該省賑務或先散給倉糧或多設粥廠并將別欸移

緩就急之處均著迅速妥辦等因欽此仰見

皇上念切民依軫卹災黎至意臣奉職無狀致地方罹此

災歉上煩

宸慮謹聆之餘憂慚無地查陝省本年麥秋歉收夏旱愈甚各郡秋禾未種人心惶惑渭北饑民至摘樹葉草根以食聞之心傷現雖開倉賑濟而距來年麥收須八九月之久倉儲祇有此數將何以支委員分赴湘鄂買糧刻難運到西則告糴於平慶北則購糧於包頭道遠費繁運價倍於糧價司庫往歲已入不敷出本年秋徵驟短四五十萬例支不給更何從籌出賑費本省紳士以晉豫截畱京餉辦賑紛紛呈請奏乞

恩施撥部款以濟急臣明知部庫支絀而爲此不情之請豈臣下之心所安已批飭靜候籌款賑濟而再四思維計無所出查同治九年前撫臣蔣志章奏請部撥有著專款

譚文勤公奏稿

卷四

六

經部臣奏准廣東等省共撥銀一百八十萬兩作爲陝西專餉自奉撥後惟江西山東浙江安徽江蘇五省陸續解到銀十五萬兩其餘未解分釐催亦罔應比年來臣因各省協濟西征之餉不遺餘力故未便復以陝省專餉頻相咨瀆茲當百萬眾嗷嗷待哺之時不得不乞援於他省臣亦知各省庫款弗充何敢妄希悉數全解但使竭力代籌俾陝省多一石米糧即可多活一民命在諸疆臣關懷大局卽不必有此欠餉眷念災區諒亦同深惻怛除山西河南福建均罹偏災勢難兼顧外相應請

旨飭下廣東湖廣四川督臣浙江江蘇安徽山東湖北湖南廣東各撫臣飭司迅速籌解來陝以拯災黎而紓急難

所有各省奉撥陝省專餉已解未解數目謹另繕清單恭

呈
御覽伏乞

皇太后

皇上聖鑒訓示謹

奏

蒲城刀匪戕官劫獄勦捕情形摺

奏爲蒲城刀匪糾眾劫獄知縣被戕派兵勦捕首匪擒斬

殆盡恭摺馳陳仰祈

聖鑒事竊照陝省向有帶刀游蕩之匪以蒲富臨渭四縣

交界之鹽灘爲窟穴亂後尙覺斂跡本年夏旱渭北被災

譚文勤公奏稿

卷四

七

較重匪等乘機蠢動七月初間鹽灘有搶掠炭車糧食之

案蒲城縣知縣黃傳紳捕獲著名刀匪頭目張大娃等多

名繫之獄窮治黨與匪等銜之次骨已革渭南縣武生屈

繼荊本係刀匪黃傳紳署渭南時褫其衿夙圖報復遂與

張大娃之弟張二娃密約渭南富平蒲城各縣刀匪頭目

楊跟幅兒張盜兒呂七兒薛年兒李幅兒同叫化兒趙長

青范銀兒梁銀命兒劉命娃劉汝彥楊清彥楊金貴張幅

元同振一等夥黨二三百人於七月二十五夜齊集蒲城

縣城外二十六黎明時屈繼荊等豎梯爬城砍傷門軍擁

至縣獄劫出張大娃等焚燒衙署黃傳紳聞變亟呼勇役

圍拏匪眾刀矛並下黃傳紳身受重傷一十六處登時殞

命其妻及子媳孫媳均各受傷該縣印信幸未遺失維時訓導董鍾岳典史張清把總黃玉芳督率兵役紳團奮力格鬪斃匪首屈繼芒等四十餘名生擒十五名餘匪竄向鹽灘一帶肆掠城內兵役傷亡六名查驗監犯十二名內姚金盈一名被匪戳斃中有六名未逃餘於賊退後自行還禁臣於二十八日聞報卽飛調臣標中軍參將胡得成帶隊由邵陽折回蒲城復派遊擊蔣占元都司雷天源遊擊任廷貴帶兵從渭南一路堵截仁勝右旗知府王毓芬總兵姚文廣右旗副將龔長春馳赴富平扼其西副將巢端南自臨潼之關山鎮進攻并函商在籍前山西藩司張瀛督飭民團協力助剿一面懸賞購緝匪首令鹽灘各村譚文勤公奏稿

卷四

八

堡網送匪黨如敢潛匿與匪同罪時彝字五營已調出山臣飛飭副將羅奇山自白水赴蒲城副將梁鴻盛率馬隊出同官以趨富平餘三營暫紮洛澄之交防匪入山初四日蒲城民團將首犯張大娃等十二名擒獲送縣初六日胡得成探知匪首楊跟幅兒在蒲富交界之蘭山寺糾黨肆掠馳往捕剿殺五十餘名生獲十五名楊跟幅兒與其黨伍玉奇滾溝逃竄爲鄉團勇丁殲斃參將舒秀松往各村搜尋略有擒斬初七日姚文廣王毓芬剿匪於薛家鎮陣斬薛年兒斃匪甚多其竄往美原鎮之匪首張盜兒呂七兒李幅兒均被美原鎮雷果坊等處鄉團所殺並生擒趙長青等十名羅奇山聞張村堡白李堡有敗匪竄匿喝

令該堡民團細獻匪首張幅元同振一等十六名交蒲城縣訊辦探聞同叫化兒率黨竄入富平山中之大水峪經臣飭姚文廣王毓芬龔長春分道入山搜捕務絕根株據

稟窮搜山谷實無一賊現仍環駐山下續據渭南縣張國鈞稟報差役拏獲首匪劉命娃劉汝彥楊金貴等三名遊擊任廷貴等在臨潼蘇趙村拏獲趙金貴等七名巢端南等於甘井村獲張和子一名據蔣占元雷天源稟蒲城高椿樹源團紳細送匪黨任記合任六龍任雙鈴三名并在渭南梁銀村搜獲梁和尚郭五子二名分別解縣經臣批飭訊取確供卽行就地正法梟首示眾以儆兇頑臣以鹽灘久爲匪窟從未大經懲創飭胡得成等與署蒲城縣知

譚文勤公奏稿

卷四

九

縣李世瑛前往搜捕將匪巢一律平毀附近各村莊悉令出具不敢容畱刀匪切結更派候補知縣趙嘉肇會同該縣編查保甲舉辦團練爲一勞永逸之計現據蒲城李世瑛及各營稟報境內已無賊蹤臣檢查獲犯所供首匪惟張二娃梁銀命兒楊清彥同叫化兒四名是否格斃抑係逃匿尙無確耗仍飭各屬緝拏不令漏網惟蒲富臨渭之交本屬災區又被匪擾貧民流離失所殊堪憫惻飭委知縣李殿爵劉志同張守基袁懋勳酌量撥給糧銀分赴各該縣會商妥爲賑卹其鄰近各屬亦飭查照辦理臣查知縣黃傳紳緝捕刀匪原欲綏靖地方乃該匪等懷仇報復致被戕害可否仰懇

天恩飭部照例議卹之處出自

高厚鴻慈典史張清把總黃玉芳於匪徒越城劫獄未能先事豫防均有應得處分惟登時將賊擊退格斃多名監犯無一逃逸功過尚足相抵應請免其置議其戮斃監犯姚金盈及餘犯十一名容飭司查明案犯緣由咨明刑部照例辦理所有匪徒劫獄知縣被戕派兵捕斬殆盡并緝拏逃匪各情形理合恭摺由驛馳奏伏乞

皇太后

皇上聖鑒訓示謹

奏

陝省被災州縣下忙銀兩展緩摺

譚文勤公奏稿

卷四

十

奏爲查明陝省被旱州縣應完本年下忙地丁銀兩道倉本色糧石并舊欠錢糧無力完納籲懇

天恩准予分別展緩以蘇民困恭摺仰祈

聖鑒事竊查陝省本年春雨愆期二麥歉收自夏徂秋亢旱尤甚秋成失望小民生計維艱經臣將被旱較重之蒲城大荔郃陽朝邑韓城白水澄城等七縣應完本年下忙銀兩於八月初十日暫行停徵其餘州縣飭司委員履勘分別輕重彙詳奏請

恩施已於覆陳摺內聲明在案茲據委員分途查勘具報并各屬紛紛稟請賑撫俱以本年亢旱太甚秋禾多未播種卽間有種者出土後仍復稿萎嗷鴻遍野且有以草根

樹葉療饑者殊堪悲憫臣前已飭令各屬先將倉糧一律散放一面委員會同地方官勸諭富紳捐借并行並由省籌款攜銀採買糧石以資賑濟俾免窮黎失所第錢糧爲維正之供固未便輕議蠲緩而小民值此饑饉之時又未忍徒事追呼既據委勘情形屬實自應權其輕重分別展緩以舒民力而固民心據藩司蔣凝學覈議具詳請奏前來相應仰懇

天恩俯念災黎困苦准將被旱成災之蒲城大荔朝邑韓城郃陽白水澄城涇陽三原高陵富平同官耀州等十三州縣暨渭南臨渭二縣地在渭河以北民欠未完本年下半年錢糧道倉糧石及帶徵元二年銀糧膚施甘泉定邊保譚文勤公奏稿卷四
十一
安延長安定靖邊延川宜川安塞葭州懷遠府谷榆林神木乾州永壽武功鄜州洛川中部宜君綏德米脂清澗吳堡等二十六州縣民欠未完本年下半年錢糧本色糧石及帶徵二年銀糧畱壩沔縣褒城三廳縣民欠未完本年下半年錢糧及帶徵元二年錢糧並潼關廳民欠本年下半年未完錢糧本色糧石邠州三水長武淳化四州縣民欠本年下半年未完錢糧本色糧石及帶徵元二年銀糧一并緩至來年麥後帶徵以蘇民困而廣

皇仁如蒙

俞允一俟奉到

恩旨臣卽刊刻謄黃徧行曉諭務使實惠及民勿致吏胥

舞弊此外尚有渭河以南各屬續報被災之處輕重不同且有水田旱地之分委勘並非一律成災容俟分別另行奏明辦理所有陝省亢旱被災過重州縣民欠本年下忙及帶徵元二年地丁錢糧並道倉本色糧石分別懇請展緩緣由理合恭摺具陳伏乞

皇太后

皇上聖鑒訓示謹

奏

籌辦陝省荒政摺

奏爲籌辦陝省荒政情形恭摺覆陳仰祈

聖鑒事竊臣准軍機大臣字寄光緒三年九月十六日奉

譚文勤公奏稿

卷四

十一

上諭左宗棠奏籌辦陝甘賑務一摺陝西今歲亢旱異常屢經降旨令譚鍾麟將應辦事宜實心籌畫茲據左宗棠奏陝西荒歉情形並甘肅慶陽府各屬亦被旱災殊深廕念該督已隨時咨商譚鍾麟籌辦荒政卽著將賑撫事宜認真區畫以恤窮黎購運糧米需費不少不能不藉捐輸以期眾擎易舉陝甘兩省殷實紳商多有急公好義者該督撫當飭屬剴切勸諭盡力仗助以周桑梓之急等因欽此遵

旨寄信前來仰見

聖慈眷念災區軫恤無已之至意伏查陝西荒旱情形臣於採買米糧請催欠餉展緩秋徵各摺先後詳陳在案數

月來時與督臣左宗棠太僕寺卿臣劉典往返函商惟以

豫籌賑欸多購米糧擇人辦賑爲亟賑欸先於司庫百計

騰挪繼以督臣撥還借款三十萬爲各處買糧之用而轉

運之費則恃協餉與捐款各省欠餉已委員前往函牘交

懇諸疆臣力顧大局當不至膜視捐輸則緩不濟急督臣

許以洋欸過境通融挪用陝省捐收有欸卽時解還目前

富紳所捐但能各顧各縣由紳士買糧散賑大約能自顧

一邑者不過數處欲提以爲他處採買之費勢有未能購

糧一節臣於覆陳摺內聲明擬以包頭所購賑北山以平

慶所購賑西路以湖湘之米賑河北各屬嗣聞山西已向

包頭採買因改向甯夏採購而慶陽亦歉收復委員分赴

譚文勤公奏稿

卷四

三

鞏暇一路收買雖道遠費繁亦不暇計湖米購買甚易惟
襄河淺阻漢水可以徒涉丹江久涸不能通舟約計荆紫
關漫川關兩處一月祇能運六千餘石現復委員赴樊城
雇車試運至潼關若暢行無阻當由各屬照民價雇車往
運以濟同州各縣運費倍半於米價初意不料至此也賑
事以北爲亟七月中委員攜銀前往諭令各屬先儘倉糧
散放繼以富紳捐欸購糧接濟俟南米到時再行分給辦
賑以紳士爲親切前經通飭各州縣訪求正紳造廬敦請
並刊刻告示勸諭正紳出而襄事不必以干預爲嫌同急
桑梓之難放賑之法城廂則設廠煮粥鄉間則計口授糧
而要以稽查丁口爲第一義蓋少一分浮冒卽多活一窮

黎也北山旱災以榆林之懷遠葭州府谷綏德之米脂清
澗吳堡爲重神木靖邊本有秋又爲嚴霜所侵次則延安
所屬又次則鄜州旣無存糧又鮮富戶罹此凶災情殊可
憫已先行發給銀兩由府縣就近買糧散賑甯夏米到當
在解凍後矣漢中水田尙收四五分襄沔雖旱可以分濟
興安之平利甄坪洵陽秋收五六分不等惟漢陰白河石
泉紫陽早盛將來以湖米運往分賑較近現集欸赴鄖襄
購糧往來亦便鳳翔倉糧尙多可支數月邠州所屬民間
尙有存糧倉存亦可支數月乾州存倉糧萬石據稟現在
平糶貧者以錢賑之商州秋收多少不等該署牧黃照臨
已捐銀從河口買糧賑濟西安所屬甯陝盩厔鄠縣藍田
譚文勤公奏稿卷四

秋禾收四五分不等賑可稍緩三原涇陽富紳捐款可自
顧一邑同州惟大荔捐麥較多合計倉糧可支至來年四
月其餘各縣有僅能賑至冬臘月者有能支至正二月者
俟購糧運到分別撥濟現各屬稟報均已放賑雖辦理不
一要各就地方情形散放未能強同省城粥廠七處就食
者已三萬餘人回坊居民及安插河南山西流民三千餘
口均計口散糧不許混入粥廠以示區別境內自中秋後
一律安靖無搶掠之案亦無藉饑攬糧之處卽食粥饑民
分起部署均各安帖不至擁擠滋事然臣前所籌欸項糧
數但計接濟至來年四月若二麥未種麥秋無望尙須寬
爲籌備昨漢中興安兩府均報九月初八九日得雨麥已

全種西安十三二十四二十七得雨不及二寸南山一帶
麥亦有出土者邠乾各屬農民播種於乾地冀得數寸雨
以滋長日來陰雲布濩氣候尙暖惟祝甘霖速沛庶有生
機耳臣忝任疆圻責無旁貸惟有殫竭血誠督率屬員聯
絡紳士悉心籌畫拯恤窮黎以慰

皇上子愛元元之盛心所有現辦荒政情形謹繕摺具陳
伏乞

皇太后

皇上聖鑒謹

奏

設立籌賑局片

譚文勤公奏稿

卷四

五

再舉辦賑務頭緒繁多省城設立籌賑局派署糧道李愼
署鹽道沈應奎常川駐局會同兩司辦理委員採買轉運
催餉催捐粥廠散賑在在需人幾於無員可委復念災賑
以河北爲重富室亦以同郡爲多當於同州另設一局多
集紳士勸捐查賑且水路滯阻湖米轉運甚難他日雇車
雇夫酌量分給米石均可就近籌畫因函請前工部侍郎
臣閻敬銘爲主並請前山西布政使張瀛駐局督辦庶正
紳聞風景從易於集事閻敬銘授徒山中地方應辦之事
力所能爲罔弗身任朝邑賑事本其經理自捐脩金三百
爲富室倡故朝邑捐輸獨多其復函謂本邑屢次捐輸以
此次爲至艱至苦亦惟此次爲最善蓋相孚有素也同州

之役誼無可辭適奉稽查山西賑務之

命卽俶裝起程而眷念桑梓情不可卻雖不能主持其事他日稽查一周歸來仍可兼顧臣已飭署同州府饒應祺前往面聆指示布置一切先行舉辦張瀛在京在汴曾與共事廉明公正夙所心折蒲城事寢深得其力辦理該縣賑務首捐千金臣尙未彙奏已約來省面商同州設局事宜適奉

寄諭幫辦陝西賑務臣喜出望外不特可匡臣不逮且此後官紳互相激勸捐輸或有起色實於災黎大有裨益俟張瀛到省臣與面商一切斟酌妥辦督臣左宗棠知此間乏員差委現委甘肅補用知府徐韋珮回籍襄辦并函囑譚文勤公奏稿卷四
十六
辦理賑務最難非得紳士會辦必至怨讟繁興臣深感其顧慮之周服其先見之明實非臣愚所能及也所有設立省城同州籌賑局緣由謹附片具陳伏乞

聖鑒訓示謹

奏

會商採買湖米片

再臣前奉

寄諭著會國荃與臣會商採買湖廣米石分濟山西省南各屬比卽函商會國荃妥籌辦理并告以陝西七月寄欸先行訂買湖米十萬石原擬隨買隨運不拘多寡近因丹江久不通舟漢江可以徒涉恐水路不能全運到陝現

擬從樊城運至潼關計米價運費需銀七兩由潼關至蒲絳腳價又增且樊城車輛不多必須從河東各屬雇車往運似不如向包頭多買順河流以達河津爲便陝省恃以濟北山晉省即可藉以濟河東也頃接曾國荃函稱由樊城轉運勞費甚鉅尙不如保定天津之便則湖米自無須多購然南米果如悉數到陝稍可勻撥臣必當通融協濟晉民秦民同是

朝廷赤子有何畛域之分第爲數無多於河東仍無裨耳至遏糶一節臣早經出示嚴禁實由瀕河一帶自顧不暇無餘糧以及晉非阻遏之故也所有會商採買湖米運道不便緣由謹附片陳明伏乞

譚文勤公奏稿

卷四

七

聖鑒謹

奏
會商賑務情形片

再正封摺間前山西布政使張瀛來省臣與悉心熟商災賑以河北爲重同州之局必不可少張瀛幫辦全省賑務又未便專駐同州擬先從東路稽查河北各縣賑事如地方官有辦理不善營私舞弊者卽行撤參各屬能多捐糧一石以救本邑卽可勻出南米一石以濟他邑張瀛周歷各縣道出同郡將局務布置將來每縣應分濟南米若干及如何雇車雇夫轉運派定紳士經理然後折回西路逐縣稽查至北山各屬已由臣撥給銀兩暫行接濟俟甯夏

米到再行察看情形辦理西路各州縣尚有存糧臣已委甘肅候補知府徐韋珮前往倡率正紳廣籌捐借會同地方官核實散賑無濫無遺并囑徐韋珮明查暗訪如有辦理不善者密函馳報由臣核辦餘俟張瀛由同州回省後再與詳細商酌妥籌辦理所有幫辦賑務前山西布政使張瀛到省會商現籌賑務情形緣由謹附片陳明伏乞聖鑒謹

奏

覆陳辦理賑務摺

奏爲遵

諭覆陳仰祈

譚文勤公奏稿

卷四

六

聖鑒事竊臣於九月二十二日准軍機大臣字寄光緒三年九月十五日奉

上諭有人奏陝西旱災情形請飭妥籌捐賑以紓民困並州縣不恤民命各摺片據稱陝西各屬亢旱異常至八月杪尙未得雨穀價騰踊民食爲艱現辦捐賑恐不肖官吏乘便營私其弊不可勝言宜責成各州縣慎選紳耆勸諭集貨自行採糧散賑多設粥廠嚴禁遏糶或於湘漢設局採買彙寄各處捐項合運分撥并酌提釐金以作輓輸之費等語著譚鍾麟體察情形督飭各屬實心籌辦以蘇民困至所稱渭南臨潼富平等縣催科甚急小民無計謀生恐致激成事端韓郃蒲富等縣勦辦土匪波及無辜等語

陝省既經被旱成災民力未免拮据著譚鍾麟卽行查明災區輕重奏請蠲緩錢糧以示體恤遇有滋事匪徒自應將首惡迅速擒治不得株連無辜致多冤濫等因欽此遵旨寄信前來九月二十五日復奉九月十八日

上諭都察院奏內閣侍讀王憲曾等遣抱以陝西荒災甚迫懇請拯救等詞赴該衙門呈訴據情代奏一摺據稱陝省旱荒日久西同各屬及南北二山餓殍枕藉韓蒲等縣遊勇土匪勾結饑民肆行搶掠藩司卧病半年僚屬罕見信任門丁余姓營私廢公剛愎好諛有以蠲賑請者斥爲張皇并聲言軍務將起委員四出催科派捐怨聲載道該撫因在籍藩司張瀛致書始將蒲城錢糧奏請蠲緩其餘譚文勤公奏稿

卷四

九

概置不問嗣因該縣戕官調兵二百嚴自守衛且厭聞災歉僚吏不敢直言等語本年山西河南及陝西等省亢旱爲災朝廷軫念民艱時深廛系譚鍾麟身任封圻具有天良諒不至玩視民瘼有負委任若此然果能實心辦理亦何至遽招物議該撫惟當有則改之無則加勉將荒政事宜妥爲籌畫並懍遵前旨迅卽查明災區輕重奏請蠲緩錢糧以紓民力藩司蔣凝學前經有人奏參業經諭令該撫查奏茲據該紳士等所控各情是廢公斂怨尙復成何事體仍著譚鍾麟確查具奏不得稍涉徇隱將此由四百

里諭令知之欽此遵

旨寄信前來

臣聞

命之下無任悚惶臣奉職無狀致地方罹此旱災又復辦理不善遽滋物議罪無可逭仰荷聖明垂諒不加嚴譴更蒙

訓諭諄諄有則改之無則加勉臣感激涕零不知所報第如所奏所呈各節臣雖不才不至負

恩若此而心跡不能不白敬爲我

皇上縷陳之陝西今年春雨不足麥秋歉收四月間蒲城縣知縣黃傳紳稟稱該縣去冬無雪本年三月二十日他屬均已得雨蒲城獨無麥收絕望等情藩司蔣凝學派員密赴四鄉查勘果實詳由臣奏請展緩蒲城春徵錢糧在案其餘各州縣麥收三四五六分不等祇可謂歉並未報

譚文勤公奏稿

卷四

三

災非概置不問也災歎例當區別不能以一處報災請蠲全省之賦錢糧關繫正供安敢以一函相託遽緩一邑之徵張瀛具在可質詢也自五月不雨秋禾未種祈禱罔應六月中他屬先後得雨而渭河以北未霑故被災較重委員分赴各屬以查保甲爲名藉審民間蓋藏則十室九空約計境內存糧不足供數月之食乃與司道集議購糧於他省七月中飛札湖南候選道朱昌琳湖北候補道王加敏先行訂買米糧陸續轉運來陝一面委員攜銀分赴各縣辦理捐賑一面出示河北七縣於八月初十日暫停秋徵其餘各縣分別被旱輕重由司彙詳請緩均經先後附奏在案旋刊刻辦理荒政十條並示諭正紳襄辦賑務徧

貼曉諭秦人有耳目者皆知之數月以來無日不與司道
議籌欸購糧轉運之策無時不札催各屬詳查極貧次貧
丁口爲放賑之計不識所謂厭聞災歎者果係何端僚吏
不敢直言者尙有何事且兩年前已提欸買穀存儲勸諭
民間舉辦義倉皆以備災歎也至災歎而又厭聞亦必無
是理韓城匪徒倡亂饑民附和者多臣已派署中軍參將
胡得成赴邵陽總兵任正時赴韓城嚴飭營弁解散饑民
勦捕首匪拏獲交地方官訊辦不得妄殺其所格斃者皆
持械拒捕之匪非無辜也邵陽所獲六十餘名誅首犯三
名韓城所獲三十餘名誅首犯二名餘分別枷杖保釋未
嘗波及也韓城南靖蒲城復有戕官之案臣一面函商張

譚文勤公奏稿

卷四

五

瀛集團固守一面懸賞購緝並勒令各村交出匪首不得
潛匿蒲城民團先後縛獻刀匪四五十名訊係甘心從逆
者誅之匪首張道兒等於富平糾黨搶掠各村莊牲畜糧
食竄踞薛家鎮總兵姚文廣率四百人馳至富平民團請
救姚文廣王毓芬星夜赴援黎明圍薛家鎮該匪從城上
施放烏鎗傷勇丁二名石傷數人攻至午刻未下鄉民負
柴薪縱火燬東門匪從南門出竄官兵追至半途殲百餘
名張道兒爲美原鎮團丁所獲別其足梁教化兒逸去胡
得成聞匪黨楊跟福於蒲富交界之蘭山寺豎旗招人約
民圍導至寺外該匪且鬪且走官民殲殺四五十名其先
往鄉村掠糧者適歸見寺內賊敗滾溝而逸團勇捉獲十

餘人送富平縣訊明戮之以戕官劫獄焚署之匪糾黨肆掠抗拒官兵不得謂之無辜也該匪自蒲城竄出三五十爲一起分掠村莊蒲富臨渭之交無不告警而防營均在四五百里外臣急調中軍胡得成自郃陽折回蒲城派參將蔣占元右營遊擊任廷貴都司雷天源各率二百人紮臨渭界以保善地知府王毓芬率二百人駐富平而城中僅存新補之勇二百餘人派總兵黃超羣於箭道演試之技藝生疏因以新募之勇換回藍田護運舊勇二百名以備調遣同寅皆以省城內空虛爲慮臣以此種匪類不迅速撲滅勢將燎原多一日則多擾數十村良民受害不少究皆烏合何敢窺伺省城如臣果欲自衛焉有舉城內標譚文勤公奏稿

卷四

三

兵一空之獨調此二百人哉至於物議之來蓋亦有因八月初本地紳士翰林院編修李寅等十二人聯名具呈乞奏請撥部款七八十萬以賑饑先於部撥督臣西征款百二十萬兩內截留備用經臣批示現在部庫支絀無從籌此鉅款且前敵饑軍與此間饑民相似何得輒行截留應候另籌賑濟嗣該紳等見天恩浩蕩撥銀撥米拯濟山西河南而陝西獨無遂以臣爲玩視民瘼壅於

上聞而不知臣已於請催欠餉摺內聲敘及之此物議所由滋也觀所奏所呈如出一手足以燭其奸矣臣無德無才忝任疆寄以爲不稱厥職臣亦何辭至謂不卹災黎妄

殺無辜則誣罔殊甚不能不辯也除查明藩司各款另片陳明外所有臣辦理賑務不善致滋物議緣由謹繕摺具陳伏乞

皇太后

皇上聖鑒訓示謹

奏

查明藩司被參各節毫無實據片

再臣於九月二十二日准軍機大臣密寄光緒三年九月十五日奉

上諭有人奏陝西藩司蔣凝學年老衰病僚屬有半年不得一見者公事委之門丁余姓請託營求因緣爲利且剛

譚文勤公奏稿

卷四

三

復好諛有以蠲賑請者斥爲張皇等語所奏如果屬實殊屬不成事體著譚鍾麟按照所參各節秉公確查據實具奏毋涉徇隱原片著鈔給閱看將此由四百里密諭知之欽此遵

旨寄信前來查藩司蔣凝學久在軍營感受寒溼時患咳嗽旋發旋愈精力強健不異壯時本年夏月偶感暑熱服藥錯誤調理月餘卽愈六月以來臣無旬不禱雨蔣凝學無役不從此萬目所共見者何嘗有半年不見僚屬之事訪查藩司家人有姓余者元年秋自山西隨來二年春歸去冬間復來因與人口角驅逐回籍旣非專任何至委以公事蔣凝學廉靜寡欲人所共知至謂與門丁因緣爲利

固可保其必無臣賦性褊急屬吏有過常面加訓斥蔣凝學則但覺其和藹不聞其剛愎也臣不善面諛不知其好諛與否但使不以喜怒爲賞罰不以愛憎爲用舍於地方何害催征錢糧乃藩司專責災分輕重此

國家定例陝西本年春徵尙未及額賦之半秋徵則七月抄出示河北七縣暫行停徵其餘各縣分別查災如西同則有渭河南北之分興漢則有水田旱地之別成災則請蠲緩歉收則催大戶而緩小戶此一定辦法臣亦恐州縣書差里長明知當緩而急徵營私以中飽商之藩司一面上詳一面出示先行停徵何曾有委員四出之舉至派捐則更無此事現辦捐賑皆地方官會同紳士勸諭富室數譚文勤公奏稿卷四

三

日多少未可知藩司何從分派也陝省尙安靖而藩司謂將有軍務此言何能出諸口則尤不可信矣臣與蔣凝學雖屬同鄉而公事公辦無所徇况

聖明在上臣何敢徇私情而誤地方所有查明蔣凝學被參各節毫無實據緣由謹附片密陳伏乞

聖鑒訓示謹

奏

彝營哨弁脅勇潰逃立擒正法摺

奏爲彝營哨弁脅勇潰逃立擒正法餘眾就撫恭摺仰祈聖鑒事竊蜀軍彝字馬步五營駐防北山本年六月道員黃鼎被刺後乏人統領經臣飭委管帶官弁率領出山適

韓蒲不靖令其分路堵勦事定後將各營調紮近郊裁汰整飭改隸臣標派令分防各隘替出仁勝各營以防北山

其派赴邠長屯紮之新左營於本月初一日由三原縣拔

隊西進管帶官知州張兆周赴省清算餉帳該營幫帶補

用總兵潘光斗督飭起程詎前哨哨官藍翎千總江明中

後哨哨官王登高行至距涇陽十餘里忽令駐隊向眾勇

詭稱我等駐紮邠長恐調赴關外受苦不如闖進涇陽擄

取財物各自回家違者先行殺害等語各勇不敢不從遂

率隊直趨涇陽縣城經城門防勇攔阻江明中用刀砍倒

一人衝門而進放火劫掠涇陽縣知縣馬旬宣集勇役格

鬪傷斃民兵六人居民上房拋擲瓦片擊斃五名江明中

譚文勤公奏稿卷四

等卽時退出竄至咸陽縣屬之馬家台地方潘光斗在後

隊聞變馳馬攔截被該弁等截傷落馬後隊二百餘人不

肯附和仍經各哨弁帶回三原其相從潰變者二百餘耳

臣聞報卽派仁勝右旗總兵姚文廣臣標左營遊擊胡得

成管帶馬隊遊擊吳元璋等星馳至城北之草灘渡口扼

紮又調駐防武功臣標馬隊總兵袁國祥從渭北咸醴一

路迎截又慮南山峪口紛歧綿亘近蜀倘旁竄入山爲害

滋甚密飭臣標右營遊擊任廷貴副中營總兵黃超羣要

之於沿山子午峪等處派出各營均歸姚文廣節制復派

署鹽法道沈應奎赴草灘指授機宜如能悔罪歸誠仍准

收撫該弁等見大兵漸集於初三日寅刻從渭城灣泗水

偷渡狂竄南山沈應奎卽令姚文廣等揮隊跟追二更後至子午峪口該潰勇喘息未定據險死守適任廷貴黃超羣等趕到四面兜圍遣弁招撫江明中仍糾王登高徐瑞雲蘇桿子卽蘇三老冒等拚死抗拒槍斃官軍什長一名傷勇丁數名姚文廣督隊急擊之格斃十餘名立將江明中徐瑞雲二犯擒獲餘皆釋械投誠押解回省當飭司道督同西安府訊取確供據認臨時起意擄掠財物並無謀叛別情各勇均係威脅勉從除王登高蘇桿子外亦無知情同謀之人再三質究眾供僉同臣復親提研訊無異卽於初五日訊明後恭請王命將江明中徐瑞雲二犯綁赴市曹處斬傳首各營及犯事地方梟示以昭炯戒就撫各譚文勤公奏稿

卷四

三

勇分別遞解回籍其未經同潰者仍歸原伍惟王登高蘇桿子二犯是否已在轟斃數內抑或乘夜兔脫容飭查嚴緝另行覈辦至涇陽縣文武雖係疏防於前尙能督帶兵役登時擊退倉庫監獄無失且過境兵勇入城滋事亦非意料所及合無仰懇

天恩免其查參議處其被擾各戶暨受傷人口俟飭查明確妥爲撫恤此次潰勇變起倉卒臣深慮其裹脅饑民麇聚山中將至不可收拾幸姚文廣星夜馳至迅速撲滅殊出望外該總兵久歷戎行謀略素裕於事體輕重緩急頗能領略實武弁中不可多得者可否將總兵姚文廣加恩賞加提督銜以示鼓勵其餘員弁歸入防營案內請

獎之處出自

逾格鴻慈查彝字左營本係管帶親兵營知州青勝藍所兼管而江明中又青勝藍所拔補初一之變臣派青勝藍星馳出城前往安撫乃該員逗畱北關初二申刻尙未成行幾誤事機相應請

旨將知府銜畱陝補用直隸州知州青勝藍先行革職容飭司查明有無激變情事再行參辦所有哨弁脅勇潰逃立擒正法餘勇就撫各緣由理合恭摺馳奏伏乞

皇太后

皇上聖鑒訓示謹

奏

譚文勤公奏稿

卷四

七

懇畱閣敬銘稽查賑務片

再據署同州府知府饒應祺稟稱據同州府屬朝邑縣紳士翰林院庶吉士霍爲楸內閣中書楊樹鼎甘肅候補知府李崇道舉人喬玉樹生員王勵修楊炳愷大荔內閣中書銜舉人李坤光祿寺署正銜舉人李向桂補用同知馬沛登候選教諭袁錫庚遇缺題奏知府張祿堂歲貢王鴻翰廩生張箴韓城刑部主事黨蒙邵陽刑部主事黨蘭修澄城舉人張惠芳等聯名具呈懇畱本籍公正大紳兼辦同州賑務事竊惟陝省荒旱同郡爲甚前蒙撫憲軫念災黎商請前工部侍郎閻敬銘籌辦同州賑務仰賴力疾趨公倡率諸紳富捐資買糧一切轉運施放事宜無不因其

悉心籌畫始有頭緒茲聞恭奉

簡命稽查山西賑務

朝旨敦迫紳等何敢多言惟同郡賑務甚亟運糧散賑非有大紳主持眾紳遂多推諉瞻顧之意且諸事皆其經手尚須清釐伏念同郡各屬處處與晉毗連若得於查賑之暇隨時就近過河兼顧同州賑局於晉事無礙於同郡實有裨益謹聯名呈請轉稟前來臣查同州一局前經函商閻敬銘爲主以張瀛駐局督辦而閻敬銘適有山西查賑之

命卽俟裝赴晉臣與往復函商張瀛既幫辦全省賑務自

應各路稽查不能專駐同郡或先行派定各屬正紳與同

譚文勤公奏稿

卷四

三

州知府饒應祺會同辦理俟其稽查一周仍可兼顧同局賑務已於十月初二日附片陳明在案茲據該紳等聯名具呈以紳董無人提倡恐避嫌怨互相推諉亦係實情臣不敢壅於

上聞可否仰懇

天恩飭令閻敬銘於稽查山西賑務便道蒲州渡河兼顧同局賑務以繫紳望而順輿情之處出自

逾格鴻施所有同郡眾紳聯名具呈緣由謹附片具陳伏

乞

聖鑒訓示謹

奏

譚文勤公奏稿

卷四

无

譚文勤公奏稿卷四

男延闈恭校

08635

